



Come par solit, dopo une setemane, us lassin la soluzion uficiâl de Conte Misteriose, rivade aromai al so quart apontament, e lis peraulis dal Garzon de Ostarie.

Soluzion

Autôr: *John Fante*

Titul originâl: *A Kidnaping in the Family*

Titul originâl de racuelte: *The Wine of Youth*

Tradutôr dal originâl: *Francesco Durante*

Titul par talian: *Rapimento in famiglia*

Titul de racuelte: *Dago Red, Einaudi, 2006*

Notis:

Il libri di contis curtis (ma lungjis par Contecurte) intitulât Dago Red di John Fante, al è une racuelte di instantaneis: une schirie di fotografiis dai tancj elements naratîfs che a laran a formâ la sostanza des oparis plui lungjis dal autôr. Jenfri chestis fotografiis leterariis jo o ai sielzude (jê mi à sielzût me!) une che e fevele di une fotografie vere, intune sorte di metarapuart naratîf, dulà che e je cjapade, di fantate, la mari dal protagonist. Fra lis lagrimis dal frut, l'autôr al vûl contânus che a ruvinâ sô mari al è stât chel putanîr bausâr e trist di so pari (lu disarà plui indenat te conte), ma che ancje jê si è lassade ruvinâ: la ricercje dal motîf di chest e je consegnade ae emozion di fûc e ae rabie vive dismotis in cui che al lei, fintremai cuasi a fâi provâ vergogne, par vê o par vê vût, biacemai, dome un microscopic concurs di colpe - cuissà cuant, cuissà dulà - intune trasformazion come chê che lui al descrîf.

Par condividi:

[Facebook](#)

[WhatsApp](#)

[Telegram](#)

[Print](#)

[Email](#)